

延安府志

卷之四

重修延安府志叙

天下之政自郡縣始而達於朝廷國之有史亦自郡縣之志始而滙於史官蓋志與政通者也爲守令者不周知一郡一縣之山川險易戶口登耗土田荒辟學校舉廢與夫屯糧盈絀風俗美惡則不能因勢利導以施政而宜民爲大吏者不能知守令之所知亦無以因人地之宜以擇才而任吏二者以方志稽之則不下堂階而瞭於指掌故曰志與政通者也考之周官外史掌四方之志注謂若晉乘楚檮杌之屬是以列國之成書言之卽今郡縣志之所昉矣成書所藉具在周官六官之屬通於侯國司會掌書契

延安府志叙

一

版圖之貳黨正書民之德行道義誦訓詔觀事詔避忌以知地俗形方掌地域而正其封疆山師川師辨山林川澤之名物原師辨邱陵墳衍其於山川風俗物產人倫亦已鉅細不遺矣由是行人五書之獻職方圖籍之聚大史風詩之陳則其達之於上者也蓋制度由上而下采摭由下而上采摭備則制度愈精方志之與政通自三代以來未之有易謂志之昉於竇威者不探本之論也延安古金明郡據秦上游左黃河右長城自漢迄明爲被邊要地而土瘠民悍政之張弛視他郡爲難則資於志者尤亟已延志一修於明太守王公彥奇再修於楊李兩校官入

皇朝康熙庚申則牛太守天宿實修之由庚申至今又百餘年矣今太守洪君蒞延歲久地方寧謐爰事郡志卽牛志而增損修飾之芟繁脛正體例再期而功竣凡爲紀一表三考三略六傳畧六文徵三雜錄一義皆取裁於史而參以漁仲通志之法首紀

恩澤昭忠敬也大事封建二表於延爲宜而不得他郡槩之者也流賊自延起故詳其事而編之雜錄至於官師學校選舉賦稅祠祀以暨倉儲屯驛里甲關梁不別立門而分隸之六略此皆舊志所無而義例嚴體要其實有度越乎舊志者斯良史之裁也亦可謂之詳而法矣予向分守延榆

延安府志

叙

二

於郡之山川土田賦役風俗粗譜崖畧每念延爲唐宋邊郡數被兵而勝國末造蹂躪尤酷今幸際

聖明中外一家郡爲內地百數十年燧銷燧灌無鷄鳴犬吠之警豈惟延民之慶抑亦吏斯土者之幸然而延民瘠苦易動難安惻怛其民而率厲所屬政平訟理使延民有樂生之心而養其惇固之氣是則良二千石之責也覽斯志者攷其豐耗盛衰之由勤勤於擇才任吏施政宜民以無負天子憂閔元元之至意則郡志之修實與政相損益而非徒侈紀載之末是則予與賢守令所當共勉者夫

嘉慶七年歲在壬戌九月二十有八日

誥授通奉大夫陝西西安等處承宣布政使司布政使溫承惠
撰

延安府志

叙

重修延安府志叙

昌黎韓子有言士不通經果不足用夫繹經則必綜史讀史則當博採志乘各省通志其失也複縣志限於方隅其失也狹惟郡志於博採尤宜然則志之爲書體例與史同而義取諸經周官外史掌四方之志小史掌邦國之志志之權輿於春秋夫人而知之矣愚謂王言章疏山川疆域邱陵墳衍原隰析焉辨焉謨誥貢範之流別也期會工程賦稅獄訟掌故典文章於圖記官禮之流別也風俗物產詩賦歌謠採入藝文風詩之流別也志書不明則史法不立經學遂荒授之以政而不達又曷怪焉延安古邊郡自延安府志

叙

一

秦末以來數被兵革至元昊跳梁於宋西虜犯邊於明而生民之愁苦極矣

國家覆禱六合中外一家

咸德所被汪濊麗鴻十邑蒸黎千里區域百數十年樂業安居伊古以來未有也然而氣候苦寒境內陂陁砂磧十居八九土脈枯瘠歲運多歉青草鮮毓其生苦其俗惰其棲止穴處而窰居其風氣質悍而寡恩愛蓋疏泉引渠樹桑教蠶之法皆限于地磽有所不行焉豈古循吏如文翁召信臣諸賢所以盡地利厚民俗敷雅化者用之延安而其術有時難施耶抑必遭逢

聖世旌淑獎廉度越千古然後其人有待而興也然則有司牧之責者將欲物土之宜而布其利觀風因俗而善其教不通郡志而侈口談經亦已俱矣志書之亟重修也固宜太守洪君以名父子典郡十餘年課績孚惠考校公嚴儒縫胥悅吏民以和慨府志之未修百二十載毅然以身任之蒐討編摩三易寒暑會方伯溫公勵精圖政百廢具興心善太守之有斯舉也致書敦迫七越月而書成予得受而觀焉其書體裁義例原本大興章氏之說頗合史法而詳而不穢簡而有條太守之用心甚勤而斯志亦爲善本矣後之君子覽斯志也遠徵文獻而周知夫山澤上田民物

延安府志

叙

二

登耗政治得失之故以上窺劉子政班孟堅之所纂述書詩官禮之教春秋之義皆可進而求其端矣何憂不學面墻蹈韓子之所譏乎此方伯察吏阜民之心而太守守先待後之志也予雖不敏敢不與太守交相勗勉也歟因序而歸之是役也孜孜纂校終始勿懈者太守之嗣孫勲也例得附書

嘉慶七年歲次壬戌十月朔日

賜進士出身

誥授中憲大夫分巡陝西延榆綏兵備道楊護撰

重修延安府志叙

古之牧邊郡者非易易也漢書稱馮立賈宗非以政事修舉而吏民愛戴乎自是而求之于唐則田牟之寬厚折從阮之勇決求之于宋則向敏中龐籍韓琦范仲淹之方略李師中孔平仲之治行至元明而又不可槩舉此數十君子者類皆創利除弊興屯田斥邊堠修城隍築堡砦究鹽法講馬政于邊方之務庶無不舉矣而典章制度及輿地沿革之書猶有未暇者豈非以事權其所重不得不置此而務彼乎迨至我

國家聲教覃敷邊隅向化舉凡漢唐以來民之疲于兵革習

延安府志叙

一

于烽火者至此而始得遂其休養生息歡欣鼓舞之至願而官于此者亦得以政事之暇修明墜典講求故冊則

國家百數十年來太平累洽之盛效大驗也夫陝西所屬諸府西安則有宋宋敏求長安志呂大防長安圖記等書漢中則有晉常璩志邠州則有唐凌準志乾州則有唐趙元一錄他若同州鳳翔諸府州之志自宋迄今皆已屢修惟延安一府明以前志乘莫考前知府陳君創修于康熙十八年距今又百二十有三載前志疎畧尤甚無以傳信余承乏是邦幾越十五年因偕所統十屬相與搜采闕失增益聞見凡事之散而無紀者悉以史例部之凡分爲十六

部勒成八十卷于是延安府志庶可與西安鳳翔諸志同
備撰

國史修通志者之採擇而爲後來續府志縣志者之成法矣
余不敏治行遠慙馮賈以下諸君子然此書之成則實前
守是邦者未竟之志也因原其本末而爲之叙

嘉慶七年歲在壬戌六月二十有八日

誥授朝議大夫延安府知府洪蕙撰

延安府志

叙

二

補刊延安府志序

延安古用武之國明季兵戈尤慘加以連年大稜村落爲墟我

朝景命聿新然猶有狡寇跳梁恣其躡轢厥後太和累洽顧山疆磽确忱迫邊陲定民居培民俗道將安施同治初花門變起近復災歉頻仍蕩析流離生命益蹙余一麾出守撫卹窮黎凡荒政所亟與積儲開墾里甲庠塾各事宜拮据敷布每智窮計絀輒思攷古今得失冀獲鈐鍵奈方志闕如舊鈐板燬於兵半爲灰燼因覓梓行完本籍資攷徵竟渺渺不一遇曩奉輜軒使者檄取郡乘備采風迄無以應

延安府志序

一

嗚呼延之有志起勝國訖

皇朝編輯者四最後爲前太守洪君蕙作不能及余身而光大之卒至蕩滅無存抱憾何如也旋與郡大夫士網羅散失聞書院舊有秘藏一帙索而閱之首尾尙無脫畧爲慶幸者累日豈鬼神呵護畱此一綫之延綿綿勿替耶旣籍悉往年事蹟又細檢舊鈐之殘缺者凡若干召匠民仿刻之用廣流傳工旣訖郡大夫士合辭言曰是舉也無墜前緒無廢後觀請紀其緣起可乎余應之曰前人之述備矣余莫能爲役幸得附名簡編有榮耀焉獨念是志作於嘉慶七年距今不百閱寒暑耳顧上下六七十年去煩蠲苛元

化所甄庶類斯邕其間何因何革孰從而詳稽之卽以余從事於斯倉儲之盈虛土田之荒墾戶口之登耗學校之廢興撫癘瘠之民處沙磧陂陁之地出阡危拯難患百無一當然今昔異宜唯是訂墜抱遺不能布方策以昭來許勢將使後之人茫然無所於徵而浩劫屢經滄桑頓改湮沒於斷烟荒草中者又不知凡幾此余從士大夫之請而皇然難安者也雖然紹往昔述來今方有志而未之逮倘靡以歲月併此落落僅存者概歸烏有尤余之所大懼也則不得以是舉爲罔裨故紀其崖畧於此異日者旁搜近事上續前編燦然備十城之圖籍將徵獻攷文相與定民居培民俗俾邊方黎庶涵濡於

延安府志

序

二

聖天子太和累洽之盛治而采風者亦得有所抉擇焉是余之望也夫

光緒十年歲次甲申八月旣望

賜進士出身

誥授中議大夫延安府知府桂林劉本植撰



延安府志目錄

陝西延安守廣陵洪蕙重修

謹按方志之作周官外史之義也其法當各隨義例詳贍登記以備

國史之采擇故方志之體準史爲宜今謹撰紀一表三考三略六傳錄六雜錄一文徵三凡八十卷

紀一

恩澤紀卷一

表三

沿革表卷二

延安府志

目錄

一

卷三

大事表卷四

卷五

卷六

封建表卷七

考三

輿地考卷八

卷九

卷十

卷十一

建置考卷十二

卷十三

卷十四

水道考卷十五

卷十六

略六

吏略卷十七

職官

卷十八

職官

卷十九

職官

卷二十

職官

延安府志

目錄

二

卷二十一

職官

卷二十二

職官

卷二十三

薦辟

諸科

進士

舉人

卷二十四

貢生

卷二十五

貢生

附館學生

卷二十六

武科

將材

卷二十七

封蔭

戶略卷二十八

戶口

卷二十九

田賦

卷三十

倉儲

卷三十一 鹽法

卷三十二 商稅

卷三十三 物產

卷三十四 物產

禮略卷三十五 學校

卷三十六 祠祀

卷三十七 坊表

卷三十八 陵墓

卷三十九 歲時 習俗

卷四十 禮儀

延安府志 目錄

三

兵略卷四十一 軍制

卷四十二 驛傳

卷四十三 屯運

卷四十四 馬政

卷四十五 糧餉

卷四十六 軍器 附烽火

刑略卷四十七 里甲

卷四十八 五軍道里 充徒道里

工略卷四十九 衙署

卷五十 關梁

傳錄六

前政傳錄卷五十一

卷五十二

卷五十三

卷五十四

名人傳錄卷五十五

卷五十六

孝義傳錄卷五十七

忠節傳錄卷五十八

列女傳錄卷五十九

延安府志

目錄

四

卷六十

前志傳錄卷六十一

卷六十二

雜錄一

雜錄卷六十三

卷六十四

卷六十五

卷六十六

文徵三

金石卷六十七

書目卷六十八

著述卷六十九 詔勅

卷七十 表狀劄子

卷七十一 奏疏

卷七十二 奏疏

卷七十三 奏疏

卷七十四 條議

卷七十五 碑記

卷七十六 雜記

卷七十七 序傳誌銘

延安府志 目錄

五

卷七十八 書考雜文

卷七十九 詩

卷八十 詩

延安府志卷一

恩澤紀

謹按史之有紀肇于呂覽十二月紀紀體事言並載倣于司馬遷延安一府地屬西隅固無

特頒詔令可以恭錄則左史之事闕焉唯

鴻恩所被不遺偏隅自順治三年迄今蠲免征輸十屬不下萬數而案牘或有遺軼一時不及周詳今謹取其可考者錄之昔班固撰漢書諸帝紀凡除民田租稅賜三老粟帛靡不畢書所以志一方之慶表皇澤之逮也作

恩澤紀第一

延安府志

卷一 恩澤紀

一

延安府屬總紀

以下諸條從陝西通志中錄出

順治三年覆準延安府等屬水雹蝗蝻奉

旨被災田畝免本年額賦之半

順治七年九月奉

旨豁免延安府屬無著荒地畝數逃亡丁七萬七千有零

順治八年十月奉

旨豁免延安府屬荒地畝數

順治十一年八月陝西巡撫具題奉

旨豁免延安府屬續荒地二千三百四十七頃七十畝零續逃亡丁六千八百有零

康熙十六年編審案內奉

旨豁免延安府屬殺傷人丁

康熙二十年

恩詔蠲免延安府屬康熙七年至十七年舊欠地丁等項錢糧

康熙二十二年五月陝西督撫會題爲遵

詔陳言等事案內奉

旨豁免延安府屬甘泉保安二縣包賠虛丁銀一千三百七十四兩零

乾隆四十九年閏三月奉

延安府志

卷一

恩澤紀

二

旨蠲免膚施等十縣乾隆四十七八兩年民欠額征地丁錢糧並本色糧草

以下諸條俱增入

乾隆五十四年四月內奉

旨積年民欠常糧自乾隆三十八年起至五十三年止全行豁免

乾隆五十五年五月奉

旨輪免膚施等十縣乾隆五十六年額征地丁錢糧並本色糧草

乾隆六十年閏二月奉

旨積年民欠社糧自乾隆三十九年起至五十八年止並民